

THE ANDRIMELODICA EVM,
SIVE
CANTVS
DE SACRA, ET PROFANA
POTESTATE
LEOPOLDI
GVILIELMI
FERDINANDI II.
IMPERATORIS FILII

Archiducis Austriae, Ducis Burgundiae, &c.
Primatis Germaniae, Archiep. Magdeburg.
Episc. Argentinenfis, Halberstadienfis,
Paffauienfis, &c.


INTERIECTI
PHILOSOPHICIS DISPUTATIONIBVS
in Collegio Romano Societ. IESV

F. BONIFACII NEGELE AVSTRIACI
Ord. S. Bened. Coll. Germ. & Hung. Alumni.



ROMÆ, Typis Francisci Corbelletti. MDCXXX.

SVPERIORVM PERMISSV.



3
LEOPOLDO

GVILIELMO

ARCHIDVCI AVSTRIAE,
PRIMATI GERMANIAE, &c.

FERDINANDI II.

IMPERATORIS FILIO.


FR. BONIFACIUS NEGELE F.



AVCIS Romanè simul
ac Germanè edissero con-
silij rationem mei, Sere-
nissime LEOPOLDE;
mutuas Potestatem inter
Sacram, ac Profanam al-
tercationes, Poëticiis nu-
meris exhibeo, de principatu sollicitas atque
imperio: quarum vna, dum tuis sub auspicijs,
sacrorum pariter ac litterarum Antistes Mu-
nificentissime, zelo iustitiæ, luxum, volupta-
tes, ac vitia cælestibus armis extinguit; alte-
ra, largitate benignitatis, bonas artes, atque

A 2 virtu-

virtutes , humanis recreat beneficijs ; ambitio-
 sum vtraque tui pectoris nacta theatrum , in
 quo pietas magistra scientiæ , scientia pietatis
 assecla , gestum semper cum dignitate fecit
 verè Cæsareum , coronam à te suo sibi iure
 deposcit , in quo videlicet perpetua fuit virtu-
 tum ac litterarum de primatu contentio . Vi-
 ue Cæsarum Soboles Augustissima, viue Prin-
 cipum Optime , qui tuo doces exemplo , quid
 regnatrix possit Fortuna, cui Sapiencia, ac Re-
 ligio est à consilijs , quid possit magnarum an-
 ticipatione virtutum **EX VTROQUE**
CAESAR, hoc est terris , ac cælo potens Au-
 gusta felicitas . Excipe interim , Serenissime
 Princeps, in hoc obseruantiae temporario mo-
 numento , æternum à nostra familia vadimo-
 nium additissimæ voluntatis, & authoramen-
 tum obsequij.



LEO-

LEOPOLDVS⁵
GVILIELMVS
CAELESTIBVS ARMIS
VITIA EXTINGVIT.

ODE I.



*Te pugnaces, procul ite turmæ,
Cedite hostiles animæ, impotenti
Marte, sic magni iubet inuidenda
Cæsaris ira.*

*Fortiter prudens, sapienter audax,
Ira, consultiq; tenax decoris,*

*Numinis custos, pietatis altrix,
Prouida recti.*

*Nescit, ultrices ad iniqua nescit
Signa, cognatas Erebo phalangas
Bella moliri, tua digna FERDI-*

NANDE propago.

*Nullus imbelles peperisse ceruos
Fertur aut damas Leo, nulla inertes
Alitum Princeps Aquila, irretorta*

Luce columbas.

A 3

Vince

*Vince bis felix, auium Imperatrix,
Quæ tibi stemma ut patrium coronat,
Sic pares multo tibi foeneratur*

Robore vires.

*Quique materno BAVARVS rubescit
Stemmata inscriptus LEO, Martiales
Spirat ardores LEOPOLDE, & omen
Nominis æquat.*

*Quantus insurgit, pluuioque coeli
Amnis exundans pelago minatur,
Dum resorbenti ciet æstuosum
Nerea fundo.*

*Tantus hostiles Acherontis angues
Criminum in turmas LEOPOLDE, sacro
Hæresis dum tu populosa ferro
Colla recidis.*

*Ergo non cedes fugitiua? pugnas
In nouas ibis furiosa centum
Anguibus, coeci soboles Auerni
Turpis Erynnis?*

*Quo rues præceps? animæque vilis
Prodiga in luxum, rea septiformi
Degener partu, scelerumque nutrix
Dira libido.*

An

*An reluctantes inimica frenos
Ludis? antiquæ necis, & catenarum
Immemor, tantum scelus ausa, tantum
Surgis in hostem?*

*Arma iam toto glomerantur axe,
Vindicis Diuæ labor, auxilique
Præses, & ductrix, tibi laureatis
Fulminat armis.*

*Vna terrarum Superumque custos
Diua, promissi dare iura, rectique
Arbitra, antiquis male pulsa terris
Arbitra virtus.*

*Militat tecum LEOPOLDE, auito
Sic potens regno pietas, sacrorum
Cura sic princeps iubet, vna castæ
Filia mentis.*

*Cæsar hostiles age vince turmas,
Par Patri natus, tibi cura terras
Vincere, & bello fera FERDINANDE
Iura pacisci.*

*Natus haud bello minor, vnus Orci
Fulminat turbas malè peruicaces,
Et reluctantum implicitis reuincit
Colla catenis.*

*Maiores Alcide, fera quæ trucidas
Monstra, non astris neque inhospitali
Inferis cælo, sed Auerna circum*

Stagna recludis.

*Ite, quid vestras furor armet iras
Tenari vulgus, LEOPOLDE virtus
Omnis, ad palmam tibi foederatis
Militat astris.*



LEO.

LEOPOLDVS⁹
GVILIELMVS

BONAS ARTES, VIRTUTESQ.
REGIIS RECREAT BENEFICIIS

ODE II.



*Adeste Divæ, Cælituum genus,
Huc ò sorores, lætæq. Principum
Adeste præpago Virtutum,
Grande manet pretium laboris.
Quæ liberali nomen ab omine
Septena virtus ducis, & integræ
Fœcunda laudis, consilique
Omnigenos parit una foetus,
Adeste, plausus inter, adoreas
Inter recentes, maxima pars novæ
Famæ triumphalis, curuli
Nube super LEOPOLDVS aurea
Victor renidens evocat, & suis
Vult assidentes imperijs, suis
Vult & gemellas, laureatis
Ordinibus, patrijsque regnis.*

A 5 En

*En ut rebelles comprimit impetus ,
 Lasciuientis monstra proteruie ,
 Et mille portenta, & phalangas
 Tanarias domuisse mille .
 Nunc litteratæ Palladis assecclas ,
 Doctæque cognatam Sapientie ,
 Prolem laceffit victor omnem ,
 Largifluis opulenta donis
 Largè refundens munera , quis canat
 Exaggerata diuitias manu ,
 Et quis redundantî fluentes
 Gange nouo rubuisse fontes?
 Elata in auras Pergama qui vides ,
 Arcesque coelo finitimas , vides
 Regnantis augustale templum
 Palladis , ingenij theatrum .
 Quæ candicanti regia marmore
 Minatur astris , ampla clientium
 Sunt tecta virtutum , & sacrorum
 Munifico spatiosa cultu .
 Vbique certas nacta colonias ,
 Hic iura dicit nam sapientia ,
 Hic regnat , hic dotale sceptrum
 In famulum moderatur orbem .*

Exu-

Exuberantis fœnora dexterae ,
 Perennitatis munera regiae ,
 Largo redonatura censu
 Ipsa tibi GVILIELME virtus
 Quæ possit unquam ? non opulentior
 Reddenda merces , quam tibi nullius
 Sit meta laudis , gratiarum
 Nulla tuis redimenda donis
 Mensura , nec iam plurima , quæ tibi
 Debent , vel ipsæ multiplices habent
 Addigna virtutes tributa
 Obsequij , meritæque famæ .
 O quam beato credita fœnori ,
 Seges feraci messe feracior
 Autumnitatem faustitatum
 Purpuream tibi germinabit .



LEO-

LEOPOLDO
GVILIELMO
DE VITIIS TRIUMPHATIS
VIRTVTVM PLAVSVS

ODE III.



*Dithyrambo liber, inutiles
Verbis exue compedes,
Aonidum, cytharæq; custos
Apollo; inq; sonos dissociabiles,
Præceps fractis Pieri numeris
Prothea dissimili simules mihi*

carmine vatem.

*I, triumphalem famulata currum,
Facunda cantu, foecunda laudum,
Alumna pacis, eadem & armorum parens,
Vtrique felix pronuba gloriæ,
Ciuis ætheris, inquilina terræ
Fama, centenis operosa linguis.
Non etenim AVSTRIACOS numerofo nomine fastos,
Augusti potuit sanguinis auctor
Sat æquare Rodolphus;*

Nón

*Non sat æthereis potens
 Albertus armis , arte nec potens pacis
 Aeterno Fridericus oliuo;
 Non utraque potens Carolus arte , non
 Aequare tota potuit Heroum cohors :*

*Noua finge bellicose
 Monumenta digna laudis ,
 Noua conde literatæ
 Decora ampla largitatis ,
 Et utrinque laureato
 LEOPOLDVS ore victor
 Par operi pretium , par meta laboris , & idem
 Magnis maior auis nepos ,
 Immensum ingentis sit nominis incrementum .*

*Salutè Cæsareæ spes altera gentis , auitæ
 AVSTRIADVM decus addite famæ .
 Felix , quem voluit sceptræ biuerticis
 Tractare imperij ; iuræque fascium
 Gemella regere , maximus utraque , optimus
 Utraque genitor laude , bis geminas sacri
 Tuere iuris insulas :
 Multiplex tecum LEOPOLDE virtus ,
 Fidesque nexu vincula sororio ,
 Rectique custos Religio , tua*

Coro-

Corona eadem tegitur , & spirat anima .

Te vagientem magne Sacrorum Parens ,

Te magne regnorum arbiter

Nutrix amico gratia pectori

Admouit , Heroumque dixit

Viue nepos , atauumque regum .

Bis felix domus AVSTRIA ,

Magnis aucta parentibus ,

Nunc maioribus aucta nepotibus ,

Satiua terris , an metenda cælo ?

Metenda terris , an satiua cælo ?

AVSTRIADVM soboles gemino quæ sufficis orbi ,

Vna eadem terris , eadem notissima Olympo ;

Nascere ò cæli genus , & beatis

Nubile diuis .

Obliuiofo mitte silentio ,

Fama recordari veteres Heroas , utraque

Pallade claros .

Sat tibi Cæsarum

Postremus , nulli bello aut virtute secundus

Sit mutuatæ frater & comes laudis :

Sat tibi Cæsarum

Vel ipse FERDINANDVS omnium Cæsar ,

Accedat , magni decora ad consortia nati .

Quid

*Quid FERDINANDE terra, quid cælum tibi
Non debet? astra, mole meritorum premis,
Terram triumphis occupas?*

*Testis in ignota miserabilis exul arena,
Contemptor Diuum & Fidei, quem Marte rebelli
Ausum regali vetitam diademate frontem
Cingere, & immeritos ea fata manere nepotes,
Prostratum vidisse iuvat, multumque cruento
Funere deiectum, Batauoque in littore egenum
Damnatum exilio caput, & sine nomine regem.*

*Hæc sūt AVSTRIACI spolia augustissima Martis,
Ampla triumphantis Numinis hæc spolia.*

*Cernitis, beata terras alma Pax amicat Italas,
Et ferocientis iras Martis effugat latè truces,
Pax honorū foeta nutrix, alma mater una gloriæ;*

*Hæc sunt AVSTRIACAE munera dexteræ,
Vt fulminantis inter armorum sonos,
Sic pacis inter commoda, & seclum aureum,
Amica mundo foederantis otia.*

*Ades ò cupita longum, &
Repetita sæpe votis,
Officina gratiarum,
Pax coronali nobilis iride,
Perq. terras, perq. pontum, perq. tractus aëris,*

Sparge

*Sparge flores ,finde nubes ,verticem astris insere,
Teque redde, leta mæstis redde terris gaudia,
Si cruenta detonabit Martis ira ferrei ,
Foederata Marti pestis ,Vrbes mille funere
Non laceffet ,aggerato non grauabit vulnere .*

*Viden ut serena vultu ,
Niueis circum remigat alis
Pax, & Cæsareis vecta volucris ,
Sese per liquidum circinat æthera ?
Non cum purpureis lilia floribus
Viuunt ambitiosius,
Quàm natiua genis mixta niualibus
Ostentat rosa purpuram ,
Olli non Motus undulat crinib; fusilis auri
Circum colla ,sed impedit auro verticis aurum .
Stellantis capitis ,fusile gemmea
Electrum Cydaris premit .*

*Salve d Parentis filia Numinis,
Vnica terrarum sospes ,ubi hospes eris.
Tibi FERDINANDE pacis ,
Et refugæ cunabula vitæ ,
Debemus GVILIELME tibi,tua munera,soles
Leta serenatos tranquilla per otia Soles
Debemus, reducemq. æterna in foedera pacem .*

At

At triumphales LEOPOLDE pugnās

Non à magni robore Patris ,

Non quæsitam Patris fama

Sume superbiam .

Gratare tibi , te tua belli

Meliora manent omina , victor

Sume laurum Martialem ,

Oleamque pacis indicem , &

Felicitatis obsidem .

Audin , rauco Bellona sono

Vt tua vaticinans olim bellanda Tonanti

Prælia , victorem tali te voce salutat ;

Age fortis , arma ductor

In Stygium Phlegetonta verte .

Vince indignantes , cæloque immanè rebelles

Tanarias acies , & coniurata nefandis

Agmina signis , pelle , trucida ,

Preme , vince , funde monstra .

Procul abscedat , victaque cedat ,

Fœda criminum propago :

Age Fortis , & Parentis

GVILIELME FERDINANDI

Sæua bella fulminantis

Martia proles ;

Pelle

*Pelle, vince, funde monstra ;
 Harpyasque trifauces ,
 Scyllasque , Gorgonesque ,
 Erebi fulgur , fulmen Auerni ,
 Tænarique , criminumque
 LEOPOLDE fortis vltior .*

*Hæc ore lenis aureo
 Dein amica sospitatrix
 Terrarum , pax aurea reddit ;
 Viue candidos , beatos ,
 Innubesque dies , longaue Nestoris
 Fortunato secula cursu :
 Tecum Pictas , niueoque Fides
 Splendida velo , tecum solio
 Relligio regnabit eodem .
 Tecum Virtus , doctaque tecum
 Altrix decorum , Dea regnabit
 Aeternum Sapientia .*

*Age mitis , & Parentis
 GVILIELME FERDINANDI
 Largè dona prodigantis
 Digna propago ;
 Dona largiùs refunde
 Palladique sanctiori ,*

Arti-

*Artibusque laureatis ,
Amor orbis , ætherisque
Nova cura , cælitumque*

GVILIELME dignus hospes .

*Cæsareum est , armis latè victricibus hostes
Debellare superbos ,
Cæsareum est , meritis factisque ingentibus orbes
Latè implere repostos ,
Cæsareum est Marti , Pacique imponere leges .*

*Hæc ubi alterno cecinere plausu ,
Hæc rursus unanimi voce reciprocant ;*

*Cæsareo tegitur bellipotens sago ,
Cæsarea rediens pax nitet in toga ,
Cæsareis volitat fama curulibus ,
Idem Cæsaris est , & Iouis armiger ,
Ales Alituum Rex .*

*Age Fortis , & Parentis
GVILIELME FERDINANDI
Sæua bella fulminantis
Martia proles ;
Pelle , vince , funde monstra , &c.*

F I N I S .

Imprimatur , si videbitur Reuerendiss. P. Magistro Sacri Palatii
Apostolici.

A. Episc. Bellicastren. Vicefg.

Imprimatur .

Fr. Hyacinthus Lupus Magister & Socius Reuerendiss. P.F. Nicolai
Riccardij Sacri Palatii Apostolici Mag. Ord. Præd.